



Bosnia and Herzegovina
Federation of Bosnia and Herzegovina

CANTON SARAJEVO
Ministry of Traffic

Broj: 04-01-04-38989-72/21
Sarajevo, 03.12.2021. godine

SKUPŠTINA KANTONA SARAJEVO
SLUŽBA ZA SKUPŠTINSKE POSLOVE
- O V D J E -

PREDMET: Odgovor na zastupničko pitanje Amra Hasagić, **dostavlja se -**
VEZA: Akt Skupštine Kantona Sarajevo broj: 01-04-38989-72/21 od 04.11.2021. godine

Zastupnica Amra Hasagić je na nastavku 43. Radne sjednice Skupštine Kantona Sarajevo održanom dana 03.11.2021. godine u okviru tačke Dnevnog reda "Poslanička/zastupnička pitanja, inicijative i odgovori" uputila zastupničko pitanje Vladi Kantona Sarajevo:

„Upućujem pitanje Vladi Kantona Sarajevo koliko je trenutno kapitalnih projekata u fazi realizacije i kada su započeti?“

Shodno navedenom, Ministarstvo saobraćaja Kantona Sarajevo, daje sljedeći:

- o d g o v o r -

Postupajući po naprijed navedenom pitanju zastupnice u Skupštini Kantona Sarajevo Amre Hasagić, Ministarstvo saobraćaja Kantona Sarajevo Vam dostavlja sljedeće informacije:

1. Nabavka novih 25 trolejbusa (potpisan 12.01.2021. godine između Ministarstva saobraćaja Kantona Sarajevo i BKM Holding iz Bjelorusije).
2. Rekonstrukcija tramvajske pruge na dionici Marijin dvor – Ilidža (potpisan ugovor 11.06.2021. godine sa konzorcijem dvije firme iz Kine - China Shandong International Economic&Technical Cooperation Group Ltd. i China Railway No.10 Engineering Group).
3. Nabavka novih 15 tramvaja (potpisan ugovor 01.09.2021. godine između Ministarstva saobraćaja Kantona Sarajevo i konzorcija Stadler).
4. Vlada Federacije Bosne i Hercegovine je podržala tri inicijative za kreditno zaduženje kod EBRD-a za sljedeće projekte: Adaptivno upravljanje saobraćajem, Izgradnja tramvajske pruge Ilidža-Hrasnica i Obnova voznog parka tramvajskog saobraćaja. Također, Vlada



Kantona Sarajevo je dala saglasnost na projekat "Izgradnja tramvajske pruge Ilidža – Hrasnica" 17.10.2019. godine, a 16.11.2021. godine je potpisano Mandatno pismo sa EBRD-om za izgradnju tramvajske pruge do Hrasnice.

5. Obnova trolejbuske kontaktne mreže i elektrovučnih podstanica potrebnih za uspostavljanje trolejbuskog saobraćaja do Vogošće – Vlada Kantona Sarajevo je dala saglasnost za ovaj kapitalni projekat 17.10.2019. godine.
6. Prva transverzala - Prvi ugovor koji je potpisan na izgradnji Prve transverzale je zapravo za dionicu II ove saobraćajnice, sekcija Rondo Bare-Tunel Kobilja glava. Početak radova je ozvaničen 20.12.2018. godine. Predviđeni rok završetka radova po ugovoru je iznosio 18 mjeseci. Dakle, završetak radova je trebao biti 20.06.2020. godine. Zbog potrebe izmještanja fekalnog kolektora koji je bio u koliziji sa trasom Prve transverzale (za koji je bilo potrebno najprije izraditi glavni projekat), izvođač radova nije bio u mogućnosti izvoditi većinu radova na glavnoj trasi. Na izradu projekta i izmještanje fekalne kanalizacije čekalo se od 10.05.2019. godine do 30.07.2020. godine. Dana 29.07.2020. godine izvođač radova je dostavio revidiranu dinamiku radova prema kojoj je planirani završetak radova 03.12.2021. godine.

Obzirom na trenutno stanje radova na terenu, te na godišnje doba u kojem su predviđeni radovi na ugradnji cementne stabilizacije i asfaltnih slojeva (za izradu cementne stabilizacije i ugradnju asfalta postoje striktno precizirani uvjeti koji moraju biti ispunjeni da bi se ovi radovi mogli izvoditi), rok 03.12.2021. godine kao datum završetka radova nije mogao biti ispoštovan. Izvedena je cementna stabilizacija na desnom kolovozu do potputnjaka Šip. Na ovom dijelu saobraćajnice je izvršena i ugradnja prvog sloja asfalta. Izvođač radova će u skladu sa stanjem na terenu zatražiti dodatno potrebno produženje roka završetka radova, koje će biti razmotreno od strane nadzornog organa i Investitora. Sagledavajući situaciju na gradilištu može se zaključiti da će radovi biti okončani u prvoj polovini naredne godine.

Kada je u pitanju izgradnja dionice I, Prve transverzale, tj. od ulice Kranjčevićeva do ulice Braće Begić radovi na prvih sedam profila ove dionici, i to samo na desnoj strani započeli su 26.10.2020. godine. Do maja mjeseca ove godine izvršeni su radovi na ovih sedam profila (do nivoa gornje stroja), a zbog neriješenih imovinsko - pravnih odnosa radovi na izgradnji ove dionice saobraćajnice su od maja mjeseca obustavljeni. Trenutno se vrše pripreme za ishodovanje saglasnosti za građenje objekta nadvožnjaka Grand, koji predstavlja najzahtjevniji objekat na ovoj dionici saobraćajnice.

7. Izgradnja saobraćajnice IX transverzale – Projekat izgradnje IX transverzale je započet u 2018. godine potpisivanjem Okvirnog sporazuma u vrijednosti od 15,5 miliona KM. Do sada je realizovano cca. 65%. Projekat podrazumijeva izgradnju primarne gradske saobraćajnice od ulice Džemala Bijedića do spoja na ulici Safeta Zajke, zajedno sa objektom nadvožnjaka preko željezničke pruge u blizini stanice "Alipašin most". Pored ovog, nedavno je započet i projekat izgradnje spoja IX transverzale sa "LOT-om 2C Sarajevske obilaznice" kroz rekonstrukciju ulice Safeta Zajke u dužini od 600 m. Vrijednost



web: <http://ms.ks.gov.ba>
e-mail: ms@ms.ks.gov.ba
Tel: + 387 (0) 33 562-058, + 387 (0) 33 562-059
Sarajevo, Reisa Džemaludina Čauševića 1



ovog projekta je cca. 4 miliona EUR. Projekat je započet 17.11.2021. godine sa rokom od 365 dana, a finansira se iz sredstava Europske banke za obnovu i razvoj - EBRD.

Ujedno, za izgradnju spoja IX transverzale sa autoputem A1 potpisan je ugovor između Ministarstva saobraćaja Kantona Sarajevo, Direkcije za puteve KS i kompanije Euroasfalt 22.10.2021. godine.

8. Investiciono tehnička dokumentacija u svrhu nastavka izgradnje dijela Južne longitudinalne na potezu od P51-P61(kružni tok na raskrsnici ulica Hamdije Čemerlića i Zagrebačke ulice) uključujući i servisnu K-K saobraćajnicu - U toku je ishodovanje odobrenja za građenje, ali je u završnoj fazi. Potrebne su još saglasnosti komunalnih preduzeća. Saglasnosti sa Toplanama, BH Telecomom i ViK-om su u završnoj fazi. Ishodovane saglasnosti: Elektrodistribucija i Sarajevogas.



Dostaviti:

1. Naslovu,
2. Evidencija,
3. Arhiva.



web: <http://ms.ks.gov.ba>
e-mail: ms@ms.ks.gov.ba
Tel: + 387 (0) 33 562-058, + 387 (0) 33 562-059
Sarajevo, Reisa Džemaludina Čauševića 1



10

10